

吉安府志

250.141


134

21~40

24353

134

21



乾隆丙申仲夏

吉安府志

吉安府庫藏板

吉安府志序

江右自宋元明以來號稱理學文章節義之鄉而於文章得歐陽文忠於節義得楊忠襄文信國於理學得羅文莊鄒文莊羅文恭皆吉州產也此其人或冠冕乎一代或彪炳乎百世有史冊所不獲數觀

吉安府志

序

者而皆接踵於吉故吉郡之文獻又江右十四郡之眉目已山高水長猶髣髴於青原白鷺文江華嶺之間况重以我

國

家重熙累洽漸義摩仁其風會更有超前代而日上者乎顧郡之志乘自順治十七年始修以後曠百



二十年未有纂述斯固邦國之缺  
典抑亦其事重其功鉅將必待諸  
其人而非簿書期會者之所能與  
也今郡守盧君既為政之期年因  
慨然以是役為己任於是始請開  
局於郡城延訪耆舊博考載記託  
舊志為啟林之華路而條貫經緯

之閱二歲而功竣遂橐其書以問  
序於余余惟志乘之作將以考鏡  
風俗之盛衰政教之得失與夫民  
生之故土物之宜而其紀載所及  
又將以垂法戒而表幽潛其所闕  
於治道者甚大考周禮鄉大夫書  
民之德行道義黨正書其孝弟睦

媿有學者閭胥書其敬敏任邱者而小史掌邦國之志說者謂志即九邱之類土地所生風氣所宜皆載諸此此固後代郡縣志之權輿乎司馬遷創史記為書為表為列傳志乘之體實兼有此三者是以著述家尚之然自前人所稱惟康

對山武功志韓五泉朝邑志為最著至郡志則未有卓卓可指名者豈非以其體為尤大件繫為尤蹟有難以媲美史傳者歟今繙閱盧君所纂述八十卷中綱舉目張本末具見其增天文星野陂塘水利於舊志之外辨正地理形勝山川

風土於舊志之中賦稅戶口則各為一攷以著其源流寺觀仙釋則標而出諸建置人物之外洵可謂用力勤而取義不苟者若夫人物傳中削文壁而不書尤凜凜乎得衮鉞之遺意矣然則吉郡志之曠而未舉者豈不待之而果得其人

也歟抑又聞之古之善為政者視官事如家事是以謀其遠者大者而卒底於成洪惟

聖天


子所以重守令之至意固將使循

良者悉展其所長而太守當古二千石以方面任師帥之寄宜何如樹立以稱塞

上旨顧所稱循循奉職者或不免於因循簡陋樂圖成而憚慮始則於生民之大利弊固有未能殫其心者矣若盧君涖事甫三載而百二十年所曠廢之舉一旦蔚然成巨觀其規模豈不宏遠矣哉用是知守土者苟不以傳舍視其官亦何廢

之不克興而事之不克舉余故樂書之以為良二千石勸也時

乾隆四十一年歲次丙申仲秋  
巡撫江西等處兼理軍務兼提督  
銜長白海成譔



序

郡邑之有志自國語昉也顧國語則因人而系以地志則因地而及於人劉氏知幾謂郡書都邑簿乃史之流別誠以山川人物風俗教化于是焉在下供徵信之資上脩輜軒之采志不綦重乎哉吉安古

吉安府志

序

一

揚州域形勝為荆楚要衝而人物之盛風教之美自歐陽文忠文信國以節義文章彪炳天下嗣後揚芳承烈代有傳人至前明而益盛歲乙未余奉

命視

學西江以試事至其地見其雲山清泚閭閻靜謐都人士皆禮讓雍

雍知風教猶有存者顧風教以文獻為本而文獻莫備於志書考府志纂自順治庚子至今百有餘年未有重修之者襄平盧公來守是邦尊賢育才百廢具舉群翕然稱賢刺史又以公餘退食亟亟考獻徵文以修志為當務蒐葺讎勘閱

吉安府志

序

二

二年而書成屬余點定校藝之暇間一披覽因得悉其崕略竊謂葺志之難與作史等史通云彰善貶惡不避強禦編次勒成蔚為不朽高才博學名重一時三者不可偏廢今是志也有仍舊例而增者如山川建置等之各有分門是也有

倣新例而別出者如人物志中之  
區大臣庶官為二是也其他酌古  
準今大約傳信傳疑以寧詳母略  
為指歸不知與劉氏所稱何如按  
試鹿鹿未遑決擇也剗剗既竣郵  
致書來并知是邦之人服公之政  
體公之心咸踴躍以襄是舉故其  
秩之多而成之速如此方今

聖天

子網羅舊聞表章忠義于明季諸  
臣褒嘉議謚誠千古未有之盛典  
也吉安為節義文章之藪是志所  
載足俟史館之采增一郡之光余  
故嘉公之大有造于是邦而克仰

副

帝心之簡也爰樂為之序抑願吉之人  
士食舊德景前徽東脩砥行式化  
弦歌以無負賢刺史之用心而蘄  
進于曩日人文之盛是則余之厚  
望也夫時  
乾隆四十一年歲次丙申  
賜進士出身


吉安府志

序

四

誥授

榮祿大夫兵部右侍郎加一級提  
督江西學政長洲蔣元益撰



叙

嘗謂編輯之難有二一曰廣搜羅  
一曰精攷覈搜羅之難人盡知  
之考覈之難自非博聞強識如  
張茂先四海若指掌千門萬戶  
畫地成圖鄭康成算渾天一  
轉便決不能昔歐陽文忠公作

吉安府志

序

唐書十志以入閣儀未詳遣問劉  
道原道原談其不讀書坡公聞  
之曰如軾等更當如何是考覈  
之難即歐蘇猶有歎也司馬公  
作通鑑先列長編長編既成乃  
加辨正劉知幾論作史有三長  
五難孟堅博覽載籍九流百家

靡不究乃作漢書故知搜羅難而考覈為尤難今之志即古之史也雖郡邑所載不出方隅然星野山川形勝學校賦役軍政無不悉職官選舉忠節儒林逸儒釋方伎以及蟲魚草木無弗詳苟收之已備擇之未精安在其能

吉安府志

序

二

信今傳後與國史並垂不朽哉乙未春予自宛城量移江右案牘之暇檢閱郡縣志憫其殘缺者不少而吉安志尤踈畧且自順治康子浚曠不修輯迄今百有餘年矣予惟

國家大化翔洽郁郁彬彬又

聖天子在上加意典章

命各直省廣羅散佚博採遺書充

四庫所未備將以光

昭代同文之治而風海內臣民也矧  
江右為人文淵藪吉安自唐宗元  
明以迄我

朝英賢輩出尤為西江望郡而志

吉安府志

序

三

獨因陋就簡奚可乎襄平盧君  
以名孝廉出守斯郡善文而好  
古慨然以編輯自任禮名宿簡  
寅僚纂修分修各董其成訂  
謬考訛胥究其實余竊喜其  
先得我心而又孜孜兢兢無間斯  
夕如此知其必能相與有成也

今年夏余仰蒙

恩命

擢撫吳中閱三月而盧君已纂輯成書命使見貽舊志之所闕略者增之補之百年来所未載者新之續之支分派別綱舉目張他如忠孝廉節有闕風教之事尤矣公矢慎罔濫罔遺洵

吉安府志

序

四

為一邦文獻之徵而豈猶不足以信今傳後歟且世之所謂良二千石者吾知之矣勤考課董簿書奉法循令恪守官常如是而已至舊章彝典往往視為具文即一二有志之士思為其所欲為而材有不逮識有未克病其難而安於陋

聖天

又比比然也盧君獨奮發有為搜羅既廣考覈彌精再閱寒暑用藏厥成雅克副

子稽古右文之至意俾吉之人士有所觀感後守土者藉以攷鏡得失獲資治理其有功於是邦也不淺而予媿不文亦得列名吉安府志

序

五

簡端以垂永久是又予之幸也夫

乾隆四十有一年歲在丙申仲秋既望

兵部侍郎都察院右副都御史巡撫江蘇等處提督軍務前江西布政使襄平楊魁謨

吉安府志

序

六

